

## 下卷

### 虫兽部上品

发髮 味苦温。主治五癰关格不通，利小便水道，疗小儿痢，大人瘥，仍自还神化。

龙骨 味甘平。主治心腹鬼注，精物老魅，咳逆，泄利脓血，女子漏下，癥瘕坚结，小儿热气惊痫。齿，主治小儿大人惊痫癡疾狂走，心下结气，不能喘息，诸瘥。杀精物。久服轻身通神明延年。生山谷。

牛黄 味苦平。主治惊痫寒热，热甚狂瘥，除邪逐鬼。牛角鰓\*，下闭血，瘀血疼痛，女子带下血。髓，补中填骨髓，久服增年。胆，可丸药。生平泽。

麝香 味辛温。主辟恶气，杀鬼精物，温疟，蛊毒痢瘥，去三虫。久服除邪不梦寤魔寐。生川谷。

熊脂 味甘微寒。主治风痺不仁筋急，五藏腹中积聚，寒热羸瘦，头秃百秃，面鼾\*疮。久服强志不饥轻身。生山谷。

白胶 味甘平。主治伤中劳绝，腰痛羸瘦，补中益气，妇人血闭无子，止痛安胎。久服轻身延年。一名鹿角胶。

阿胶 味甘平。主治心腹内崩，劳极洒洒如症状，腰腹痛，四肢酸疼，女子下血，安胎。久服轻身益气。一名传致胶。

丹雄鸡 味甘微温。主治女子崩中漏下，赤白沃，补虚，温中，止血通神，杀毒，辟不祥。头，主杀鬼。肪，主治耳聋。肠，主治遗溺。胝脰裹黄皮，主治泄利。屎白，主治消渴，伤寒寒热。翻羽，主下血闭。鸡子，除热火疮，痢瘥，可作虎魄神物。鸡白蠹，肥猪。生平泽。

雁肪 味甘平无毒。主治风挛拘急，偏枯，气不通利。久服益气不饥，轻身耐老。一名鹜肪。生池泽。

石蜜 味甘平。主治心腹邪气，诸惊痫瘖，安五藏诸不足，益气补中，止痛解毒，除众病，和百药。久服强志轻身，不饥不老。生山谷。

蜜蜡 味甘微温。主治下利脓血，补中，续绝伤，金创，益气，不饥耐老。生山谷。

蜂子 味甘平。主治风头，除蛊毒，补虚羸，伤中。久服令人光泽，好颜色，不老。大黄蜂子，主治心腹胀满痛，轻身益气。土蜂子，主治痈肿。一名蜚零。生山谷。

牡蛎 味咸平。主治伤寒寒热，温疟洒洒，惊恚怒气，除拘缓，鼠痿，女子带下赤白。久服强骨节，杀邪鬼，延年。一名蛎蛤。生池泽。

鲤鱼胆 味苦寒。主治目热赤痛，青盲，明目。久服强悍益志气。生池泽。

鱧鱼 味甘寒。主治湿痹面目浮肿，下大水。一名酮鱼。生池泽。

## 虫兽部中品

犀角 味苦寒。主治百毒蛊注，邪鬼瘴气，杀钩吻鸩羽蛇毒，除邪，不迷惑魔寐。久服轻身。生川谷。

羚羊角 味咸寒。主明目益气起阴，去恶血注下，辟蛊毒恶鬼不祥，安心气，常不魔寐。久服强筋骨轻身。生川谷。

羖羊角 味咸温。主治青盲、明目，杀疥虫，止寒泄，辟恶鬼虎狼，止惊悸。久服安心益气轻身。生川谷。

白马茎 味咸平。主治伤中脉绝，阴不起。强志益气，长肌肉，肥健生子。眼，主治惊痫腹满疟疾。悬蹄，主治惊邪瘦疢，乳难，辟恶气鬼毒蛊注不祥。生平泽。

狗阴茎 味咸平。主治伤中，阴痿不起，令强热大生子，除女子带下十二疾。胆，明目。一名狗精。生平泽。

鹿茸 味甘温。主治漏下恶血，寒热惊痫，益气强志，生齿不老。角，主治恶疮痈肿，逐邪恶气，留血在阴中。

伏翼 味咸平。主治目暝，明目，夜视有精光。久服令人喜乐媚好无忧。一名蝙蝠。生太山川谷。

猬皮 味苦平。主治五痔阴蚀，下血赤白，五色血汁不止，阴肿痛引腰背。酒煮杀之。生川谷。

石龙子 味咸寒。主治五癰，邪结气，破石淋，下血，利小便水道。一名蜥蜴。生川谷。

桑螵蛸 味咸平。主治伤中，疝瘕阴痿，益精生子，女子血闭腰痛，通五淋，利小便水道。生桑枝上，采蒸之。一名蚀肭。

蚱蝉 味咸寒。主治小儿惊痫，夜啼，癩病，寒热。生杨柳上。

白僵蚕 味咸。主治小儿惊痫夜啼，去三虫，灭黑黥\*，令人面色好，男子阴疮病。生平泽。

木虻 味苦平。主治目赤痛，眇伤泪出，瘀血血闭，寒热酸斯\*，无子。一名魂常。生川泽。

蜚虻 味苦微寒。主逐瘀血，破下血积坚癥瘕寒热，通利血脉及九窍。生川谷。

蜚廉 味咸。主治血瘀，癥坚寒热，破积聚，喉咽痹，内寒无子。生川泽。

蛭 味咸微温。主治恶血血瘀，痹气，破折血在胁下坚满痛，月闭，目中淫肤，青翳白膜。一名愤（虫旁）蛭。生平泽。

蛞蝓 味咸寒。主治贼风喎僻，铁筋及脱肛，惊痫挛缩。一名陵蠡。生池泽。

海蛤 味苦平。主治咳逆上气，喘息烦满，胸痛寒热。一名魁蛤。生池泽。文蛤，主治恶疮，蚀五痔。

龟甲 味咸平。主治漏下赤白，破癥瘕，痲疹，五痔阴蚀，湿痹，四肢重弱，小儿凶不合。久服轻身不饥。一名神屋。生池泽。

鳖甲 味咸平。主治心腹癥瘕，坚积寒热，去痞、息肉，阴蚀，痔，恶肉。生池泽。

鮃鱼甲 味辛微温。主治心腹癥瘕，伏坚积聚，寒热，女子崩中下血五色，小腹阴中相引痛，疥疮死肌。生池泽。

乌贼鱼骨 味咸微温。主治女子漏下赤白经汁，血闭，阴蚀肿痛，寒热，癥瘕，无子。生池泽。

蟹\* 味咸寒。主治胸中邪气，热结痛，喎僻面肿。败漆。烧之致鼠。生池泽。

虾蟇 味辛寒。主治邪气，破癥坚血，痲肿阴疮。服之不患热病。生池泽。

## 虫兽部下品

六畜毛蹄甲 味咸平。主治鬼注蛊毒，寒热，惊痫，癲瘖狂走。骆驼毛尤良。

鼯鼠 主堕胎，令易产。

麋脂 味辛温。主治痲肿恶疮死饥，寒风湿痹，四肢拘缓不收，风头肿气，通湊理。一名宫脂。生山谷。

豚卵 味甘温。主治惊癲癲疾，鬼注蛊毒，除寒热，賁豚，五癯，邪气，挛缩。悬蹄，主治五痔，伏热在肠，肠痲内蚀。一名豚颠。

麝屎 味心平。主治蛊毒，鬼注，逐不祥邪气，破五癯，利小便。生高谷山平谷。

天鼠屎 味辛寒。主治面目痛肿，皮肤洗洗时痛，腹中血气，破寒热积聚，除惊悸。一名鼠沾，一名石肝。生合浦山谷。

露蜂房 味苦平。主治惊痫瘦疝，寒热邪气，癩疾，鬼精蛊毒，肠痔。火熬之良。一名蜂场。生山谷。

樗鸡 味苦平。主治心腹邪气，阴痿，益精强志，生子，好色。补中轻身。生川谷。

螭虫 味咸寒。主治心腹寒热洗洗，血积癥瘕，破坚，下血闭，生子大良。一名地鳖。生川泽。

水蛭 味咸平。主逐恶血瘀血月闭，破血瘕积聚，无子，利水道。生池泽。

石蚕 味酸无毒。主治五癰，破五淋，堕胎。肉，解结气，利水道，除热。一名沙虱。生池泽。

蛇蛻 味咸平。主治小儿百二十种惊痫，瘦疝，癩疾，寒热，肠痔，虫毒，蛇痫。火熬之良。一名龙子衣，一名蛇符，一名龙子单衣，一名弓皮。生山谷。

吴公 味辛温。主鬼注蛊毒，噉诸蛇虫鱼毒，杀鬼物老精，温疟，去三虫。生川谷。

马陆 味辛温。主治腹中大坚蒸，破积聚，息肉恶疮，白秃。一名百足。生川谷。

翳螬 味辛平。主治久聋，欬逆，毒气，出刺，出汗。生川谷。

雀瓮 味甘平。主治小儿惊痫，寒热结气，蛊毒，鬼注。一名躁舍。

彼子 味甘温。主治腹中邪气，去三虫，蛇螫，蛊毒，鬼注，伏尸。

鼠妇 味酸温。主治气癰不得小便，妇人月闭血瘕，痢瘞寒热，利水道。一名蟠贞，一名伊咸。生平谷。

萤火 味辛微温。主明目，小儿火疮伤，热气，蛊毒鬼注，通神精。一名夜光。生池泽。生池泽。

衣鱼 味咸温无毒。主治妇人疝瘕，小便不利，小儿中风项强，皆宜摩之。一名白鱼。生平泽。

白颈蚯蚓 味咸寒。主治蛇瘕，去三虫，伏尸，鬼注蛊毒，杀长虫。仍自化作水。生平土。

蝼蛄 味咸寒。主治产难，出肉中刺，溃痈肿，下哽噎，解毒，除恶疮。夜出者良。一名螻蛄，一名天蝼，一名螿。生平泽。

蜚蝗 味咸寒。主治小儿惊痫瘈疢，腹胀寒热，大人癫疾狂易。火熬之良。一名吉（虫旁）蜚。生池泽。

蟹螯 味辛寒。主治寒热鬼注蛊毒，鼠痿，恶疮，疽蚀，死肌，破石癥。一名龙尾。生川谷。

地胆 味辛寒。主治鬼注寒热，鼠痿恶疮，死积，破癥瘕，堕胎。一名元青。生川谷。

马刀 味辛微寒有毒。主治漏下赤白，寒热，破石淋，杀禽兽贼鼠。生池泽。

贝子 味咸平。主治目翳，鬼注，蛊毒，腹痛，下血，五癥，利水道。烧用之良。生池泽。

[返回](#)